



БИЕ ДААН НЭР ДЭВШИГЧ
Ж.МӨНГӨНДУУЛГА ТАНАА

ДОРНОД АЙМАГ ДАХЬ
ТӨРИЙН АУДИТЫН ГАЗАР

7 дугаар баг, Хэрлэн сум, Дорнод аймаг, 21000
ЗДТГ-ын II байр, Утас/Факс: 7058-4203

2025.05.16 № 489

танай _____-ны № _____-т

Сонгуулийн мөрийн хөтөлбөр хуульд
заасан шаардлагад нийцсэн талаарх дүгнэлт

Төрийн аудитын тухай хуулийн 6 дугаар зүйл, Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.5, Хөгжлийн бодлого, төлөвлөлт, түүний удирдлагын тухай хуулийн 5.4-т заасан Дорнод аймаг дахь Төрийн аудитын газрын бүрэн эрхийн хүрээнд Хөлөнбуйр сумын иргэдийн Төлөөлөгчдийн Хурлын 2025 оны нөхөн сонгуульд оролцох бие даан нэр дэвшигч иргэн Ж.Мөнгөндуулгын сонгуулийн мөрийн хөтөлбөрийг хянаж, дүгнэлт гаргалаа.

Үүрэг хариуцлагын талаарх мэдээлэл

Аймаг, нийслэл, сум, дүүргийн иргэдийн Төлөөлөгчдийн Хурлын 2025 оны нөхөн сонгуульд оролцох нам, эвсэл болон бие даан нэр дэвшигч нь сонгуулийн мөрийн хөтөлбөрөө Аймаг, нийслэл, сум, дүүргийн иргэдийн Төлөөлөгчдийн Хурлын ээлжит сонгуулийн тухай хууль, Төсвийн тогтвортой байдлын тухай хууль, Хөгжлийн бодлого, төлөвлөлт, түүний удирдлагын тухай хууль болон Монгол Улсын Үндэсний аюулгүй байдлын үзэл баримтлал, "Алсын хараа-2050" Монгол Улсын урт хугацааны хөгжлийн бодлого, УИХ-аас баталсан хөгжлийн бодлого, төлөвлөлтийн баримт бичигт нийцүүлэн боловсруулж, санхүүгийн тодорхой эх үүсвэр шаардсан зорилт, арга хэмжээг хэрэгжүүлэхэд шаардагдах зардлын талаарх тооцоо, судалгааг гарган хуульд заасны дагуу дүгнэлт гаргуулах үүрэг хүлээнэ.

Сонгуулийн мөрийн хөтөлбөрийн дүгнэлтийн үндэслэл

Төрийн аудитын байгууллага нь Аймаг, нийслэл, сум, дүүргийн иргэдийн Төлөөлөгчдийн Хурлын 2025 оны нөхөн сонгуульд оролцох нам, эвсэл болон бие даан нэр дэвшигчийн сонгуулийн мөрийн хөтөлбөрийг хянан үзэхдээ Төрийн аудит MNS 6817 - 1 : 2020 Төрийн аудит. Тулгуур зарчим, MNS 6817 - 6 : 2020 Төрийн аудит. Нийцлийн аудитын зарчим, MNS 6817 - 8 : 2020 Төрийн аудит. Нийцлийн аудит стандартыг удирдлага болгон Монгол Улсын Их Хурлын сонгуулийн тухай хууль, Төсвийн тогтвортой байдлын тухай хууль, Хөгжлийн бодлого, төлөвлөлт, түүний удирдлагын тухай хууль болон Монгол Улсын Үндэсний аюулгүй байдлын үзэл баримтлал, "Алсын хараа-2050" Монгол Улсын урт хугацааны хөгжлийн бодлого, УИХ-аас баталсан хөгжлийн бодлого, төлөвлөлтийн баримт бичиг, Монгол Улсын нэгдсэн төсвийн 2025 оны төсвийн хүрээний мэдэгдэл, 2026-2027 оны төсвийн төсөөллийн тухай хууль, холбогдох байгууллагаас авсан тайлан, судалгаа, мэдээллийг тус тус шалгуур болгон авч үзсэн.

2125020065

Дүгнэлт

Бие даан нэр дэвшигч ЖК76052412 регистрийн дугаартай Жаргал овогтой Мөнгөндуулгын Хөлөнбуйр сумын иргэдийн Төлөөлөгчдийн Хурлын 2025 оны нөхөн сонгуульд оролцохоор ирүүлсэн сонгуулийн мөрийн хөтөлбөрийн зорилт, арга хэмжээ нь Аймаг, нийслэл, сум, дүүргийн иргэдийн Төлөөлөгчдийн Хурлын ээлжит сонгуулийн тухай хуулийн 37 дугаар зүйлийн 37.3 дахь хэсэг, Хөгжлийн бодлого, төлөвлөлт, түүний удирдлагын тухай хуулийн 5 дугаар зүйлийн 5.3 дахь хэсэг, Төсвийн тогтвортой байдлын тухай хуульд заасан тусгай шаардлагад тус тус нийцсэн байна.

Бие даан нэр дэвшигч Ж.Мөнгөндуулгын мөрийн хөтөлбөр 4 хуудас хавсаргав.

Хувийг: Дорнод аймгийн Сонгуулийн хороонд

Хавсралт 4 хуудастай.

ДАРГА, ТЭРГҮҮЛЭХ АУДИТОР



Б.БОЛОРТУУЛ

**ХӨЛӨНБУЙР СУМЫН ИРГЭДИЙН ТӨЛӨӨЛӨГЧДИЙН ХУРЛЫН 2025
ОНЫ НӨХӨН СОНГУУЛЬД БИЕ ДААН НЭР ДЭВШИГЧ ЖАРГАЛ
ОВОГТОЙ МӨНГӨНДУУЛГЫН МӨРИЙН ХӨТӨЛБӨР**

Мөрийн хөтөлбөрийн үндсэн чиглэлүүд

1. ЭВ УХААНААР ЗАСАГЛАЯ
2. ЧАДДАГААР НЬ ХИЙЛГЭЕ
3. ХОТЛООРОО БАЯЖЬЯ
4. СУМАА НОГООРУУЛЪЯ

2025 оны 4 сар

1. ЭВ УХААНААР ЗАСАГЛАЯ

1.1. Цогц төлөвлөлт, цомхон удирдлагатай сум

- 1.1.1 Төрийн алба мэргэжлийн, нээлттэй, хариуцлагатай, цомхон байх өөрчлөлтийг аймаг, сумын засаг захиргааны нэгжийн шинэчлэлтэй уялдуулан хийнэ.
- 1.1.2 Төрийн үйл ажиллагааг ил тод болгох замаар авлигатай тэмцэж, сумдын төрийн албаны мэдээллийн нээлттэй санг үүсгэн, иргэд төрийн үйл ажиллагаа, төсвийн хуваарилалт, шийдвэр гаргах үйл явцтай холбоотой мэдээллийг авах боломж бүрдүүлнэ.
- 1.1.3 Сумын төрийн албаны үйлчилгээг хүртээмжтэй, шуурхай, төрийн үйлчилгээг хялбар болгоно. Төрийн үйлчилгээний хүлээлтийн хугацааг эрс багасгаж, хэрэглэгчдэд ээлтэй болгоно.

1.2 Оролцоог хангах цахим засаглалтай аймаг, сум

- 1.2.1 Бодлого боловсруулахад иргэдийн дуу хоолойг тусгах зорилгоор олон нийтийн хэлэлцүүлгийг тогтмол зохион байгуулж цахим тогтолцоог ашиглан, иргэдийн оролцоог хангаж, төрийн шийдвэр гаргах үйл явцыг хүртээмжтэй болгоно.

2. ЧАДДАГААР НЬ ХИЙЛГЭЕ

2.1. Суурь шийдэлтэй сум

- 2.1.1. Дулаан хангамжийг сайжруулах шинэ технологи нэвтрүүлэгч хувийн хэвшлийн байгууллагуудтай хамтран ажиллах замаар сумдад бие даасан эх үүсвэрийг нэвтрүүлнэ.
- 2.1.2. Сумын хэмжээнд одоо ашиглагдаж байгаа дулааны шугамыг нэмэгдүүлэх, хуучин шугамыг засварлаж сайжруулах ажлыг эрчимжүүлнэ.
- 2.1.3. Ус хангамжийг нэмэгдүүлэх зорилтын хүрээнд сумдын төвийн цэвэр усны сүлжээг нэмэгдүүлнэ.
- 2.1.4. Гудамж хорооллын бохир ус, ариутгах татуургын инженерийн шийдлийг төр хувийн хэвшлийн түншлэлийн замаар нэмэгдүүлэх төслийг хэрэгжүүлнэ.
- 2.1.5. Сумын төвд, бие даасан инженерийн байгууламж бүхий орон сууцны барилгыг төсвийн хөрөнгөөр барьж байгуулан түрээсийн орон сууц хөтөлбөрийг нэмэгдүүлнэ.

2.2. Хүртээмжтэй сум

- 2.2.1. Боловсролын хүртээмж, чанарыг нэмэгдүүлэх чиглэлээр төр, хувийн хэвшлийн хамтын ажиллагааг дэмжиж ажиллана.
- 2.2.2. Аймаг, сумын боловсрол, соёлын салбарт гадаад улс орны хотуудтай санал солилцох, туршлага хуримтлуулах замаар гадаад хамтын ажиллагааг нэмэгдүүлнэ.

2.2.3. Сумын багшлах боловсон хүчний чадавхыг нэмэгдүүлэх чиглэлээр гадаад, дотоодын мэргэжил дээшлүүлэх сургалтын байгууллагуудтай хамтран ажиллана.

2.2.4. Эрүүл мэндийн хүртээмжийг нэмэгдүүлэх чиглэлээр орон нутгийн алслагдсан сумдын эмч ажиллагсдыг стандартад нийцсэн ажлын байртай болгох, нийгмийн асуудлыг сайжруулж ажиллана.

2.3. Тааламжтай орчинтой сум

2.3.1. Сум орон нутгийн хог хаягдлын менежментийг сайжруулах хувийн хэвшлийн санаачлагыг дэмжиж ажиллана.

2.3.2. Сум, багийн бүх түвшинд орон сууцны чанар, стандартыг ханган, гал түймэр, газар хөдлөлт зэрэг байгалийн гамшигт үзэгдэлд тэсвэртэй байх нөхцөлийг бүрдүүлсэн тохижилтийн ажлыг үе шаттай хэрэгжүүлж ая тухтай амьдрахад таатай нөхцөлийг бүрдүүлнэ.

2.3.3. Сум орон нутгийн суурьшлын бүсүүдэд аюулгүй, амар тайван орчныг бүрдүүлэх камержуулах ажлыг нэмэгдүүлнэ.

2.3.4. Сумын хэмжээнд усны нөөцийг бохирдол, хомсдолоос хамгаалах, зохистой ашиглах хүн амыг эрүүл ахуйн шаардлагад нийцсэн усаар хангах нөхцөлийг бүрдүүлэх төсөл, хөтөлбөрийг дэмжиж ажиллана.

2.4. Иргэндээ ээлтэй сум

2.4.1 "Хүүхдэд ээлтэй сум" хөтөлбөрийн хүрээнд бүтээлч сэтгэлгээтэй, өөртөө итгэлтэй, байгаль, түүх, үндэсний хэл соёл уламжлалын чиглэлээр сургалт, арга хэмжээг зохион байгуулна.

2.4.2 Залуучуудын боловсролд зээл тусламжийн хүртээмжийг нэмэгдүүлж шаардлага хангасан бүх иргэнд алагчлалгүй олгох нөхцөлийг бүрдүүлнэ.

2.4.3 Ахмад настандаа идэвхтэй, эрүүл амьдрахад зориулсан "Ахмадад ээлтэй сум" хөтөлбөр санаачилж хэрэгжүүлнэ.

2.4.4 Сум орон нутгийн хэмжээнд хөгжлийн бэрхшээлтэй иргэдийн эрх ашгийг хуульд нийцүүлэн хамгаалах ажлыг тууштай хэрэгжүүлж ажиллана.

3. ХОТЛООРОО БАЯЖЬЯ

3.1. Бизнесийг дэмждэг сум

3.1.1 Дотоодын болон гадаадын аялагчдад зориулсан аяллын төрөлжүүлсэн маршрутыг боловсруулан сум орон нутгийн бизнес эрхлэгчдээ дэмжиж ажиллана.

3.1.2 Сум орон нутагт ахуйн үйлчилгээний төвүүдийг хувийн хэвшлийн оролцоотой барьж байгуулна.

3.2. Орлоготой иргэнтэй сум

3.2.1 Хөдөө аж ахуйн боловсруулах үйлдвэрүүдийг сум орон нутагт байгуулах төсөл, хөтөлбөр, хувийн хэвшлийн санаачлагыг бодлогоор дэмжиж ажиллана.

- 3.2.2 Бичил бизнес эрхлэгч нарын үйл ажиллагааг дэмжих, өргөжүүлэх зорилгоор дотоодын сургалтыг төр, хувийн хэвшлийн хамтын ажиллагаанд суурилан зохион байгуулна.

4. СУМАА НОГООРУУЛЪЯ

4.1 Ногоон орчинтой сум

- 4.1.1 Сумын ногоон ажил эрхлэлтийг дэмжиж ядуурлыг бууруулан ногоон амьдралын хэв маягийг төлөвцүүлэх сургалтуудыг зохион байгуулна.
- 4.1.2 Орон нутгийн нэрэмжит ногоон байгууламж бүхий бичил цэцэрлэгт хүрээлэн байгуулна.

